

NOVENA S. JOÃO BOSCO 2025



**ANKORADO (METIN) IHA ESPERANSA, PEREGRINO
HAMUTUK HO FOINSA'E SIRA**

Àmmbito FS

INTRODUSAUN

Maun alin, bin feton Familia Salesiana tomak no liu-liu foin sa'e doben sira. Ohin ita hahu Novena ba DB.

Durante loron sia novena nian sei tulun ita hodi refleto kona ba tinan Jubileu nian no Strenna 2025.

Tòpiku tinan Jubileu ida ne'e mak Peregrino Esprença nian. Amo Papa Francisco konvida ita atu haklaken nafatin ho esperansa, la'o ho esperansa fila fali ba Maromak ho fuan tomak liu husi rona Maromak nia liafuan, formasaun spiritual, orasaun no inisiativa sira jubileu nian. No tema strenna mak: "Ankor/ metin iha esperansa, peregrinu ho foin sa'e sira."

Archbispo Panfilo, iha nia boa noite ba família Salesiana iha loron espiritualidade família salesiana rejiaun

sudeste asia oceania nian, dehan nune'e: Ho Liafuan ankora iha esperansa, atu membru família Salesiana sira mane no fetu sai klean iha vida espiritual " la monu ba hahalok pesimismo, ba ne'on namlele no la monu ba hahalok at sira." (EG 275). No ho liafuan" peregrinu ka la'o ho foin sa'e sira" konvida membru familia salesiana tomak la'os atu hala'o deit missaun no sai missionario/a ba foin sa'e sira nia diak deit maibe husu mos atu membru familia salesiana sira sai peregrino/a esperansa nian hamutuk ho foin sa'e sira.

Mai ita hahu ita-nia novena ho fuan no neon nakloke ba Espiritu Santo hodi refleto Maromak nia Futar Lia Fuan no simu Kreda no kongregasaun nia hanorin ba konversaun ne'ebe loos!

Hotu-hotu: Hodi padre ...

Angelous :....

Guia: Maromak, hi'it-an mai tulun ami

Hotu: Na'i sadia ami no soi ami

Guia: Gloria ba Padre ba Filho no ba Espiritu Santu

Hotu: Nudar hori uluk ...

LORON DAHULUK - Esperansa ne'ebé lori ita liu ita-nia ta'uk

Hino : SÃO JOÃO BOSCO AMU LULIK DOBEN

1. São João Bosco, amu lulik doben	2. Klosan sira sai santu hotu 'ha
Ami mestre ami aman, ba it'boot	Jezus nia kadunan, sai Maria
ami hananu nudar oan be haksolok	nia doben sira, Santu padre
tamba ita hatudu mai ami dalan	nia ema, ba Maromak nia
roman ba Maromak ami moris sai	Kreda, ami huto sasin tebes
nabilan ho Maromak nia grasa	hodi dehan sai nafatin fo mai
	klamar ne'e to'o ona.

Reff. Don Bosco mai fali, iha ami le'et
hatudu mai ami Jezus nia oin 2x

Ant. 1. Ho neon ksolok ami hein iha ami nia esperansa, Maksoin ninian gloria nebe atu mai.

SALMO 62

Iha maromak deit mak hau klamar bele hakmatek

Hau nia tulun mai hosi nia.

Nia deit mak hau nia fatuk karan, hau nia kbiit,

Hau subar fatin: hau nanri metin.

Wainhira mak imi hotu sei ataka ema ida

Atu harahun nia,

maski nia hanesan moru ida be nakdoko

ka lutu ida be naksobu ?

Sira nia hanoin atu halo aat deit

Sira kontente hodi bosok

Ho sira nia ibun sira fo bensaun

Maibe iha sira fuan, sira fo malisan.

Iha maromak deit mak hau klamar hakmatek

Tan hau nia esperansa mai hosi nia.

Nia deit mak hau nia fatuk karan, hau nia kbiit

Hau subar fatin; hau nanri metin.

Maromak hau nia salvasaun no Gloria
 Fatuk karan hosi hau kbiit.
 Hola subar fatin iha Maromak, imi povu tomak.
 Laran metin ba nia iha tempu hotu.
 Hasae imi nia laran ba nia.
 Tan maromak mak ita nia refujiu.

Ema bai-bain mak iis ida
 Ema boot mak ideia falsu ida
 Tau iha dasi, sira hader;
 sira tetu menus liu iis ida

keta tau laran metin iha terus
 ka hanoin aat atu nauk
 keta fo importante ba riku soin
 nune'e mos wainhira sira sai boot.

Basa Maromak dehan buat ida deit
 Buat rua deit mak hau hatene:
 Katak kbiit pertense ba Maromak deit
 Domin pertense ba ita, Nai.
 No atu ita fo folin ba ema ida-idak
 Tuir ninian hahalok. Gloria...

- Guia1: Santo Padre hakerek iha Bula Indisaun Jubileu nian: “Iha espíritu esperansa nian, Apóstolu Paulo hato’o liafuan enkorajamentu hirak ne’e ba comunidade sarani sira nian iha Roma.”**
Hanoin kona-ba Jubileu katak hanoin kona-ba ema hotu nu’udar PEREGRINU ESPERANSA NIAN. Ita sei sai peregrinu esperansa barak iha fatin hotu mundu nian, iha Kreda lokál barak; ita sei iha peregrinasaun hamutuk ho foinsa’e sira, iha VIAJEM NE’EBÉ SEI LORI ITA BA ENKONTRU PESOÁL NO MORIS HO JEZÚS, ne’ebé mak “odamatan” salvasaun nian (Cf. Jo 10:7,9). Hamutuk ita sei bele sasin katak nia, JEZÚS, MAK “ITA-NIA ESPERANSA” (1 Tim 1:1).
- Guia 2:** Esperansa iha Maromak nia grasa, ita simu bolun atu deskobre filafali sinál sira tempu nian ne’ebé Na’i oferese mai ita», Ba ema hotu bele sai momento ida enkontro moris nian no pesoal ho Nai Jesus, “Odamatan” salvasaun nian(cf Jo 10,7,9) «Spes non confundit», «esperansa la dezanima» (Rm 5,5)

Reflesaun

Iha ezortasaun Apostoliku, Evanjelli Gaudium (275), amo papa Francisco hakerek: "Ema balu la kompromete an ba misaun tanba sira hanoin katak la iha buat ida mak sei troka no gasta tempo deit atu haka'as an... attitude hanesan ne'e mak hasusar atu sai misionáriu... Ida-ne'e hahalok distrativu ida ba ema atu moris la ho esperansa, Se la iha esperansa, moris sei la iha folin no sei la tahan atu moris".

Husi Papa Francisco nia liafuan iha leten, klaru katak ita labele sai misionáriu la ho esperansa. Klaru katak tema strena ba tinan 2025, foti mós informasaun husi Tinan Jubileu esperansa nian, maibe inklui mós aniversáriu ba dala 150 primeira ekspedisaun misionáriu Salesiana nian.

Tópiku Tinan Jubileu nian mak "peregrinos da esperanca," no tema strena mak: " Ankor iha esperansa ,peregrinu ho foin sa'e sira."

Ho Liafuan ankora iha esperansa, atu membru família Salesiana sira mane no feto sira sai klean iha vida espiritual " la monu ba hahalok pesimismo, ba ne'on namlele ka neon kraik no la monu ba hahalok at sira." (EG 275).
 No ho liafuan" peregrinu ka la'o ho foin sa'e sira" bolu membru familia salesiana sira la'os atu hala'o deit missaun no sai missionario/a ba foin sa'e sira nia diak deit maibe husu mos atu membru familia salesiana sira sai peregrino/a esperansa nian hamutuk ho foin sa'e sira.

Iha Bulla indika ba "Spes non confundit". (Esperansa lahò tauk), Papa Francisco fo hanoin mai ita katak dala barak ita hasoru ema nebe discouragem ho moris pesimistika no duvida/ sinis kona ba future, sente hanesan la iha tan ona buat id abele lori sira ba ksolok". Amo papa nia hakarak ida ne'e moa mak tenke sai nudar ita membru ida-idak familia salesiana nian mos, atu Jubileu ida ne'e sai duni oportunidade atu hafoun an iha esperansa".

Nune'e iha buat barak ne'ebe it abele halo iha tinan foun ida ne'e.

Iha buat barak ne'ebé la lao loos iha mundu ne'e, maibé ita labele pesimistiku, no liuliu ita labele ta'uk ba buat ne'ebé ita la hatene ka ba futuru; maibé ita tenke iha liña oin no kontribui ba misaun kreda nian no ita-nia Familia Salesiana nia missaun, hodi fó ezemplu di'ak.

Nune'e amo papa konvida ita ida-idak la'os atu sai “peregrinus” deit maibe “instrumentu” esperansa nian, fahè presente esperansa nian ba ema hotu, liu-liu ba sira ne'ebe preziza liu.

No iha Bulla” “Spes non confundit” amo papa indentifika ema balun hanesan ne’e no entre sira ne’e mak: prizioneiru sira, moras sira iha uma no hospital, Migrante sira (exiliu/terbuang sira, ema sira nebe la hela iha fatin los, no refugiadu sira), ferik katuas sira, partikularmente avo mane no avo feto sira, kiak sira no klaru, foin sa’e sira.

Kona-ba foin sa’e sira , papa Francisco hakerek: "triste liu, sira nafatin frustradu haree ba sira-nia mehi no aspirasoen sira. Ita labele deceptionsia sira ka halo sira laran susar, tanba futuru depende ba sira-nia laran-manas. Di'ak atu haree en-erjia ne'ebé sira hatudu... Maibé triste tebes atu haree foin sa’e sira ne'ebé la iha esperansa, sira ne'ebé hasoru futuru ne'ebé la seguru, sira ne'ebé la iha servisu ka seguransa iha servisu, ka perspectiva realistiku hafoin remata eskola. La iha esperansa katak sira-nia mehi bele sai realidade, sira deskoragem nafatin no la hanoin kona ba buat ida. Sira halai ba droga, foti risku no buka ksolok momentáriu sira, buat sira ne'e konsekuensia la diak bele estraga sira liuliu, empata sira ba moris nia furak no rikusoin, no bele lori ba depresaun no mós ba asaun sira ne'ebé estraga sira an rasik." Klaru katak, nu'udar família Salesian, ita-nia devér pastoral atu hakbesik no tulun sira. (Archbispo Panfilo SDB - EAO 2025)

Komentariu ba Magnifikat:

Guia: Don Bosco dehan”hadomi, hahi no banati tuir Maria. Oan ida ne’ebe hahi inan diak ne’e, sei la koko mate ba nafatin, maibe sei hetan kmanek wa’in iha Lalehan.

Reff. *Ha’u nia klamar haksolok Maromak, ha’u Maksoin. Aleluia!*

1. Ha’u klamar hahi nia Na’i,
Ha’u neon haksolok ba Maromak, ha’u
Maksoin.
2. Na’i hare ba ha’u atan feto haraik an
hahu ba ne’e otas tomak sei fo rahun diak mai
ha’u.
Na’i bele hotu halo buat boot iha ha’u, Nia
naran santu.
4. Nia laran luak hosi otas ba otas
ba ema hamtauk Nia.
5. Nia hatudu nia kbiit
hodi halo namkari ema loko an.
6. Nia hatun na’i-ulun sira hosi sira tur fatin
hodi hana’i fali atan sira.
7. Nia haraik rikusoi ba mukit sira
duni sai ema riku ho liman mamuk
8. Nia lidu nia atan Israel
hodi hanoin nia ho laran luak.
9. Nia hanoin lia hakotu ba bei ala sira
ba Abraão no nia oan sira ba nafatin.
10. Gloria ba Padre, ba Filho no ba Espiritu Santu
nudar hori uluk, oras ne’e, nafatin. Amen.

INTERSESAUN:

Maun alin doben sira, mai ita haksolok iha maromak tan nia haraik grasa wain ba nia povu ho ksolok boot. Mai ita harohan ho laran kman;

___ Haboot ita nia grasa no ita nia dame,Nai.

Maromak rohan laek, ba ida nebe tinan atus ida hanesan loron ida nebe liu lalais deit;

___ tulun ami atu hanoin katak moris ne’e hanesan aifunan ida nebe buras iha dadersan maibe too lorokraik nia namlaik.

Fo manna ba ita povu atu habosu sira nia hamlaha;

___ no we moris rohan laek atu fo satisfeito ba sira nia hamrok.

Halo ita nia povu be fiel buka no koko sasan lalehan nian;

___ no husik sira halos sira nia knaar no sira nia tempu libre ba ita nia Gloria.

Nai, hasai ami hosi buat aat;

___ haraik bensaun wain ba ami nia uman.

Hatudu ba matebian sira vizaun hosi ita futar oin;

___ halo sira haksolok iha kontemplasaun hosi ita nia prezensa.

Reza Ami Aman...

Orasaun ba S. Joaun Bosco

Hotu-hotu: S. Joaun Bosco Aman no mestre foin-sa’e sira nian. Hamamar an ba don Espiritu no loke ba realidade sira iha ó-nia tempu, Ó-nia moris saran ba foin-sa’e sira, liuliu ba ki’ik no ki’ak sira nu’udar sinál domin Maromak nian. Gia mós ami ne’ebé sei la’o dadaun hodi hari relasaun amizade nian ho Na’i Jezús .Nune’e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia voka-saun ne’ebé ami simu husi Maromak. Nune’e iha moris lorloron ami bele harii komuñau no kolabora ho entusiazmu, no komuñau ho Kreda tomak hodi kria sivilizasaun domin nian .

Haraik grasa perseveransa nian mai ami atu ami bele moris tuir loloos ami nia moris nu'udar sarani. Tuir espiritu rahun di'ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot Lalehan nian. Amen

Bensaun Final...

Kantu final

SÃO JOÃO BOSCO, AMLULIK DOBEN 1. São João Bosco, amlulik doben, ami Mestre, ami Aman. Ba ita boot ami hananu nudar oan be hadomi. Tamba ita hatudu (mai) ami dalan roman ba Maromak, ami moris sei nabilan ho Maromak nia grasa.	<i>Don Bosco, mai fali iha ami leet.</i> <i>Hatudu mai ami Jesus nia oin. (2x)</i> 2. Klosan sira sai santu hotu 'ha Jesus nia kadunan. Sai Maria nia doben sira; Santu Padre nia emar. Ba Maromak nia Kreda ami hotu sasin tebes, hodi dehan sai nafatin: fo mai klamar, ne'e to'o ona.
---	---

LORON DARUAK : HAMUTUK ho foinsa'e sira

Hotu-hotu: Hodi padre ...

Angelous :

Guia: Maromak, hi'it-an mai tulun ami

Hotu: Na'i sadia ami no soi ami

Guia: Gloria ba Padre ba Filho no ba Espiritu Santu

Hotu: Nudar hori uluk ...

Guia: Hamutuk ho foinsa'e sira ita sei DESKOBRE – no ita sei TULUN SIRA DESKOBRE, pesoalmente no nu'udar comunidade – katak esperansa, esperansa loloos ne'ebé metin iha Na'i la desanima iha difikuldade sira nia oin basá “nia tu metin iha fiar no habosu an iha karidade.”

Nune'e ita bele kontinua iha dalan moris nian, la'os liu hosi dalan naran deit, la'os moris naran deit, maibé MORIS HO AUTENTISIDADE sarani nian. Santo Agostinho dehan furak loos: “Ita nia estadu moris naran deit, ita la bele moris la hodi desposisaun klamar nian tolu ne'e, fiar, esperansa no domin.”

Hino: PADRE, MESTRE NO AMIGU

1. Don Bosco, aman jovens sira nian, rona ami nia hamulak, knananuk moris nian.
Hatudu dalan ba lalehan hamutuk ho Maria ami nia mata-dalan.
2. Don Bosco, ami mestre no amigu,
ita ami nia modelu moris santidade nian.
Loke ami fuan ba Jesus, hametin ami knaar iha mundu ne'e.

Salmo (Kada strofa hotu- hotu kanta ho refrain)

**Reff: Graças Te damos, Senhor, de todo o coração ,
graças te damos senhor cantando Teu louvor**

Ant. Nai sei soi kiak oan sira no hasai sira hosi atan.

Tan nia sei soi ema kiak wainhira sira halerik
 No sira be laiha ema atu fo tulun.
 Nia sei sadia sira be kbiit laek,
 no soi ema kiak sira nia moris.

**Reff: Graças Te damos, Senhor, de todo o coração ,
graças te damos senhor cantando Teu louvor**

Hosi terus laran nia soi sira moris,
sira ran folin boot ba nia.
Nia bele hetan vida naruk
Atu fo ba nia osan mean sheba nian,
Sira sei hamulak ba nia la para,
no hanai nia loron tomak. Reff..

Atu batar sai wain iha rai,
too iha foho sira tutun.
Atu nia fulin sira sai boot hanesan lebanon;
atu ema sai buras iha sidade
hanesan du'ut iha rai leten. Reff..

Atu nia naran sai kmook ba nafatin,
no hela metin hanesan loron,
suku ida-idak sei hetan bensaun hosi nia,
nasaun sira hotu hanai nia naran. Reff..

Rahun diak ba nai Israel nia Maromak
Ida be halo kmanek oi-oin,
Hanai nia naran boot,
Husik nia Gloria nakonu iha rai. Reff..

Ant. Nai sei soi kiak oann sira hosi atan.

Reflesaun

Esperensia moris husi menina Sayama Saung, foin-sa'e ida husi Myanmar

Imi hotu diak ka la'e? ha'u antiga aluna husi madre salesiana sira no mós foin sa'e husi Myanmar. Agora ha'u hakarak fahe ami-nia esperansa nu'udar foin sa'e iha Myanmar.

Iha situasaun importante ida-ne'e, nu'udar foin sa'e iha Myanmar, la fasil atu hetan meio sira hodi realiza- ami nia mehi. Antes tinan 2021, iha dalan oioin atu hadi'a ami-nia moris no ami iha oportunidade atu hili edukasaun ne'ebé di'ak liu ba ami.

Infelizmente, ami barak lakon estudu no lakom esperansa iha tinan 2021, ami la bele kontinua estuda di'ak hanesan uluk no ami la bele atinje ami-nia objetivu no ami la seguru kona ba ami-nia futuro. La'ós de'it ami-nia edukasaun maibé mós buat seluk hanesan família, negósiu no buat barak seluk tan ne'ebe estraga. Iha tempu balu ne'ebe, ami lakohi halo buat ida, no la kohi mos atu hatene tan sa ami tenke halo buat sira ne'e. Ami hotu sente depresaun boot no lakon esperansa.

Ami uza tempu barak atu buka-hatene saida mak sei akontese mai ami, maibé tempu liu deit no ami la hetan buat espesiál ida.

Iha situasaun difisil hanesan ne'e, ami hakarak fo tulun ba ami nia povu sira atu sira bele salva no kontente ho moris ne'ebe diak liu tan, tamba ami balun lakon ami nia membru familia no uma.

Buat ne'ebe at liu ba labarik no foin sa'e sira mak sira la bele asesu ba edukasaun ne'ebe diak. Iha tempu ida ne'e ami hotu hasoru depresaun boot no ami la kohi tan halo buat ida, maibe ami nafatin firme iha ami nia komportamentu. Tan ne'e, ami hotu buka dalan ne'ebé di'ak liu atu hadi'a ami nia moris liuhusi orasaun ba Maromak. Liuhusi ami nia moris orasaun nian, ami bele hetan kbiit husi Maromak no ami bele hetan forsa atu la'o ba oin hodi to'o ba ami nia metà no bele atinji dalan ne'ebé di'ak liu ba ami-nia moris.

Ha'u fiar katak Maromak iha planu espesiál ba ami ida-idak maski iha situasaun difisil hanesan ne'e. Maibé, ema hateten katak kalohan hotu iha osan-mutin no ho tulun husi irmán Salesiana sira, ha'u hetan oportunidade ida ne'ebe hau la espera atu hodi foti sa'e ha'u-nia esperansa. Irmán Salesiana sira apoia ha'u ho buat hotu ne'ebé ha'u presiza no fó koragem mai ha'u atu la'o ba oin maski karik ha'u sei hasoru difikuldades ruma. Ha'u espera atu sai edukadora ida-ne'ebé efetivu ne'ebe bele suporta emosaun sosiál no tau matan ba labarik sira.

(EAO 2025)

Maski ha'u haka'as an atu moris iha esperansa, maibé ha'u hasoru problema família nian ne'ebé boot tebes, ne'ebe kauza ha'u-nia inan-aman sira nia haketak malu. Imi bele imagina oinsá mak ami oan sira tenke moris iha família ho kondisaun hanesan ne'e/haketak malu. Iha tempu ne'ebá, ha'u sente terus boot no ha'u lakohi halo buat ida. Maibé ha'u nunka lakon esperansa. Ha'u koko no reza nafatin ba Maromak, atu nune'e ha'u bele hetan fali forsa atu la'o ba oin no ha'u bele hetan reziliensia ba ha'u-nia knar loroloron nian no ba ha'u-nia futuro. Ha'u fiar katak Maromak sei nafatin tulun ha'u no hatudu dalan mai ha'u, tan ne'e ha'u kontinua espera no ha'u sei koko atu kria ambiente ne'ebé di'ak liu ba labarik defisiénsia no vulnerable sira.

Obrigadu.

Komentariu ba Magnifikat:

Leitor: S. Joaun Bosco, fundador Kongresaun Salesiana nian, nia habelar devosaun ba Nossa Senhora no invoka iha mundu tomak ho título: Auxiliadora, ne'ebe lembra Maria Santíssima nia protesau ba Kreda no mós ba amo Papa. Sarani sira sente no esperiénsia Maria nia intervensaun nune'e invoka mos Auxiliadora no joven no labarik sira iha oratoriu sira bolun: Ma donna di Don Bosco."

Canta: *Ha'u nia klamar hahi Na'i Maromak (2x)*
tan Nia halo diak mai ha'u, no santu, santu Nia naran.

1. Tamba Nia hamatan mai ha'u,
Nia atan nebe folin laek.
Tebes, hori ohin ba oin
sira sei haklaken rahun diak mai ha'u.
2. Nia hatun ema tur iha fatin aas,
haraik kbiit wain ba ema kiik sira;
haraik soin wain ba ema mukit sira
ba ema riku halo sira liman mamuk.

Ha'u nia klamar hahi Na'i Maromak

INTERSESAUN:

Hasae imi nia laran ba ita Nai no maksoin be haraik ba nia povu bensaun Espiritual nian. Ho espiritu devosaun nian, mai ita husu ba nia;

___ haraik bensaun ba ita povu, Nai.

Maromak laran luak, haraik kbiit ba N.....ami nia amu papa, no N ___ ami nia bispu;

___ hasai sira hosi aat.

Hare ba ami nia nasaun ho laran kmaus, Nai;

___ hasai ami hosi buat aat hotu.

Bolu ema atu serbi ita nia altar;

___ atu ba besik liu tan ita iha kastidade, pobreza no obidensia.

Tau matan ba ita nia feto ran sira be halo promessa ba virjinidade;

___ atu sira bele tuir ita, bibi oan maksoin, ba nebe deit ita lao.

Atu matebian sira hetan hakmatek iha dame rohan laek;

___ atu hametin sira nia unidade ho ita liu hosi riku soin klamar nian.

Reza Ami Aman...

Orasaun ba S. Joaun Bosco

Hotu-hotu: S. Joaun Bosco Aman no mestre foin-sa'e sira nian. Hamamar an ba don Espiritu no loke ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia voka-saun ne'ebé ami simu husi Maromak. Nune'e iha moris lorloron ami bele harii komuñau no kolabora ho entusiasmu, no komuñau ho Kreda tomak hodi kria sivilizasaun domin nian . Haraik grasa perseveransa nian mai ami atu ami bele moris tuir loloos ami nia moris nu'udar sarani. Tuir espiritu rahun di'ak sira nian; no hodi Maria Ausiliadora nia gia iha loraun ida ami sei hela hamutuk ho ó iha familia boot lalehan nian. Amen

Bensaun Final...ou

Kantu final

LORON DATOLUK : **Dalan ida esperansa nian**

Hotu-hotu: Hodi padre ...
 Angelous :
 Guia: Maromak, hi'it-an mai tulun ami
 Hotu: Na'i sadia ami no soi ami
 Guia: Gloria ba Padre ba Filho no ba Espiritu Santu
 Hotu: Nudar hori uluk ...

Guia 1: Tinan jubileu ida ne'e tinan grasa nian ba Kreda tomak Momento forte nebe **fo nutrisaun ba nia no haforsa** ho esperansa nebe bele lao to'o objetivu los ne'e mak Nai Jesus. Amo papa Francisco hakerek ho pashaun renovadu: Mai ita hatudu ita nia preokupasaun no tau matan ba adolexente sira, estudante sira no kaben-na'in sira nebe foin hari uma kain, no jerasaun sira ne'ebe foin buras dadaun. Mai ita hakbesik ba foin sa'e sira, tanba sira mak ksolok no esperansa kreda no mundu ne'e nian!"

Guia 2: Atu naroman no esperansa kristaun ida nian bele to'o ba ema ida idak, nudar mensajen **domin Maromak nian ba ema hotu**. Nune'e Kreda **fo sasin ho fiel atu haklaken** Nia ba mundo tomak. Hodi apresenta Strenna ba Tinan 2025, eis Reitor Major, Angel Fernandez Card. Artime hakerek: " foin sa'e sira iha direitu atu mehi ba sira nia future aban bainrua. Sira rasik iha possibilidade atu hahu moris fila fali, estuda no serbisu, atu harii fu turu ida-ne'ebé riku ho humanidade no esperansa."

Hino

Viva Dom Bosco, Viva dom Bosco belun
 Viva don Bosco, foinsa'e sira, rai tomak nia belun
 Viva don Bosco, belun ba ita oan sira
 Viva don Bosco belun Be moris iha ami le'et
 Ita liman, ohin ha'u nia liman
 Ita fuan, ita haraik tiha ona mai hau
 Ita hamutuk, sei lori ksolok domin nian
 Ita hamutuk, ha'u ho ita Belun bo'ot los

Ant. 1. Nai, soi hau klamar hosi mate, ketaa husik hau sidi.

SALMO 116:1-9

Hau hadomi Nai basa nia rona
 Hau tanis halerik;
 tan nia se tilun mai hau
 iha loron nebe hau bolu nia.

Sira haleu hau ho hana mate nian,
 ho susar boot hosi rate laran;
 Sira toman hau, laran susar no terus
 Hau bolu nai nia naran.

O Nai hau nia Maromak, hasai hau.
 Nai mak laran diak no justu,
 Ita nia Maromak be laran luak.
 Nai tau matan ba ema laran kmaus
 Hau la hetan tulun nune'e nia soi hau.

Hakfilak hau klamar atu hakmatek iha ita
 Tan Nai hatudu ona ninia diak;
 nia hadook hau klamar hosi mate,
 hau matan hosi mata-wen
 no hau ain hosi fatin nebe hau sidi.

Hau sei lao iha Nai nia prezensa
 Iha rai moris nian.

Ant. Nai, soi hau klamar hosi mate, keta husik hau sidi.

Esperensia Moris nian:...

Ha'u hakarak fahe ha'u-nia esperiênsia pesoal kona-ba oinsá Maromak rona no hatán mai ha'u Na'i nia atan folin la'ek ida ne'e, nia hakarak no orasaun.

Ha'u hahu lakon ha'u-nia vizaun wainhira ha'u sei eskola, no depois ha'u hafunu atu bele remata eskola sekundária, ha'u lakon ha'u-nia abilidade atu lee no hakerek no la bele tama ba universidade hanesan ha'u-nia kolega sira. Doutór sira halo diagnose mai ha'u ho kondisaun matan hanaran retinitis pigmentosa, ne'ebé laiha tratamentu ka la bele kura. Ha'u sente triste no fuan taridu tebes hodi hanoin katak ha'u-nia moris ne'e remata ona. Iha tempu ne'ebá, ha'u hela hamutuk ho ha'u-nia família iha fatin ne'ebé kiak. Ha'u mehi deit atu pelu menus iha netik jardín ki'ik ida no toos ki'ik ida atu hakiak fahi no manu, nune'e ha'u bele halao moris no hetan netik buat ruma ba moris. Maibé, Maromak lori ha'u ba dalan ne'ebé oin seluk liu, ida-ne'ebé la iha ema ida bele hanoin to'o iha neba.

Eis kolega eskola ida introdús ha'u ba [Sr. Nguyen Quoc Phong](#), eis-frater Don Bosco ne'ebé tuir mai hala'o Thien An Shelter, sentru ida ba labarik matan delek no adolexente sira iha sidade Ho Chi Minh. Sr. Phong rasik sai matan-delek depoisde akontesementu tráfiku ho nia idade tinan 33. Nia simu ha'u atu hela no estuda iha Thien An Shelter. Iha ne'ebá, ha'u aprende abilidade foun barak, inklui teknolojia asistênsia ba ema ne'ebé iha defisiênsia vizaun nian. Nia enkoraja ha'u, suporta ha'u, no fó oportunidade mai ha'u atu kontinua ha'u-nia edukasaun iha universidade, ne'e mak buat ne'ebé uluk ha'u hanoin bele akontese deit iha ha'u-nia mehi.

Liutiha tinan haat, ha'u graduadu ho onra. Ha'u fila fali ba servisu iha Thien An Shelter no partisipa iha projetu sira comunidade nian. Maibé ne'e la'ós rohan. Ha'u hetan sorte boot tanba hetan bolsa estudo husi governu Australia hodi hala'o mestrado iha Universidade Flinders iha Australia Sul.

Iha hau nia orasaun, ha'u hakarak no reza atu hetan jardín ki'ik ida ka toos ida atu hakiak manu no fahi, maibe Maromak fó oportunidade mai ha'u atu hetan edukasaun ne'ebe ass liu, sai mestre, no halo pesquisa sira.

Depois de remata tiha ha'u-nia mestrado no fila fali ba Vietnam, ha'u hakarak no reza atu hetan serbisu ne'ebé metin. Ha'u aplika ba fatin barak maibé ha'u hasoru rejeisaun nafatin. Maibé dala ida tan, Maromak guia ha'u ba diresaun ida nebe hau nunka espera. Nia diriji hau estabelese rasik ha'u nia kompanha ida no loke sentru lingua ida ba hau nia lingua rasik. Duke fó ha'u servisu ne'ebé hau bele simu osan, Nia fó oportunidade mai ha'u atu hala'o negósiu ida, kria servisu ba ema seluk, no habelar koñesimentu la'ós de'it ba grupu ki'ik maibé ba comunidade tomak.

Nu'udar mane foin sa'e, hanesan sira seluk ha'u mós hakarak no harohan atu hetan feto bonita furak ida, matenek, no bele sai parseiru kebangaan ba ha'u-nia moris. Maibé, depois Maromak lori mai ha'u feto simples, moris hakmatek deit, badinas teb-tebes, laran luak tebes, no dedika nia an tomak ba familia. Nia fó oan nain-rua ne'ebé furak liu mai ha'u ne'ebe halo ha'u orgulhu tebes.

Wainhira ami kaben no iha oan, ami hili atu hela iha Ho Chi Minh City, iha ne'ebé folin uma no sasan uma laran, karun tebes. Ami aluga uma ida, no ami-nia mehi, ne'ebé ami harohan ba, mak kuartu ki'ik ida iha ne'ebé ami-nia família bele hela ho hakmatek. Maski nune'e, liu tiha tempu badak, ami konsege sosa apartamentu ida iha kondominu ho nivel aas, iha ekipamentu kompletu. Ne'e mak buat ida ne'ebé boot liu fali ami nia mehi.

Ami-nia família nia transporte mak istória ida tan ne'ebé importante. Ha'u-nia feen isin lotuk no kiik no ninia matan fuan ida delek. Antes ne'e, nia bele sa'e deit bisikleta iha strada boot sira. Wainhira ami presiza ba fatin ruma, ami tenke sa'e bis ka taksi, ne'ebé la konviniente no folin-karun.

Dala barak ha'u hakarak atu nia pelumenu sa'e motór nune'e ami bele iha transporte simples ida hanesan família sira seluk. Maibé, ami deside atu nia bele aprende lori karreta. Husi hahu nia pasa kedas ninia teste kondusaun nian, maski susar atu hetan karta kondusaun iha Vietnam. Agora, Maromak fó ona kareta ida ba ami-nia família, la'ós de'it ona motór ne'ebé uluk ha'u hakarak.

Iha milagre barak tan! Ha'u fahe esperensia ne'e ba imi, no ida-ne'e mós sai nu'udar avizu ba ha'u-nia an kona-ba lia-loos ne'ebé ha'u esperensia rasik ona: Hakarak hanesan imi hakarak, harohan hanesan imi harohan. Wainhira ita reflète kle'an kona-ba ne'e, ita sei haree katak Maromak hatán duni ba ita-nia orasaun, maibé la'ós kedas tuir buat ne'ebé ita imagina. Dala barak, buat ne'ebé Maromak fó mai ita boot liu fali buat ne'ebé ita bele hein ka imajina.

Ita hare hanesan Maromak la rona ba ita nia orasaun nia konteudu Tanba Maromak hatene ona saida mak ita presiza. Nia rona de'it ba ita-nia fiar, ita nia laran metin, no ita nia domin ba Nia.

Komentariu ba Magnifikat:

Leitor: S. Joaun Bosco, fundador Kongresaun Salesiana nian, nia habelar devosaun ba Nossa Senhora no invoka iha mundu tomak ho título: Auxiliadora, ne'ebe lembra Maria Santíssima nia protesau ba Kreda no mós ba amo Papa. Sarani sira sente no esperiênsia Maria nia intervensaun nune'e invoka mos Auxiliadora no joven no labarik sira iha oratoriu sira bolun: Madonna di Don Bosco."

Canta: *Ha'u nia klamar hahi Na'i Maromak (2x)*
tan Nia halo diak mai ha'u, no santu, santu Nia naran.

1. Tamba Nia hamatan mai ha'u,
Nia atan nebe folin laek.
Tebes, hori ohin ba oin
sira sei haklaken rahun diak mai ha'u.
2. Nia hatun ema tur iha fatin aas,
haraik kbiit wain ba ema kiik sira;
haraik soin wain ba ema mukit sira
ba ema riku halo sira liman mamuk.

Ha'u nia klamar hahi Na'i Maromak

INTERSESAUN:

Mai ita hanai Cristo, laran luak no Nai laran sadia be hamos sira be halerik, nia mata wen;

___ Nai, sadia ita povu.

Jesu, ita fo konsola ba ema nebe haraik-an;

___ Fo atensaun ba kiak sira nia mata wen.

Maromak sadia nain, rona mate sira nia halerik,

___ Haksolok sira laran ho ita nia prezensa.

Halo dadur sira hatene ita nia providensia;

___ Atu sira fila hikas ba sira uman iha rai no ikus liu bele tama iha sira nia uma lalehan.

Sadia ema maksalak sira be hases-an hosi ita domin,

___ Hadame sira ho ita no ho ita nia igreja.

Soi ami nia maun alin matebian sira;

___ halo sira partisipa iha nai nia redensaun.

Reza Ami Aman...

Orasaun ba S. Joaun Bosco

Hotu-hotu: S. Joaun Bosco Aman no mestre foin-sa'e sira nian. Hamamar an ba don Espiritu no loka ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia voka-saun ne'ebé ami simu husi Maromak. Nune'e iha moris lorloron ami bele harri komuñau no kolabora ho entusiazmu, no komuñau ho Kreda tomak hodi kria sivilizasaun domin nian . Haraik grasa perseveransa nian mai ami atu ami bele moris tuir loloos ami nia moris nu'udar sarani.Tuir espirtu rahun di'ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot lalehan nian. Amen

Bensaun Final...

Kantu final

Loron dahaat — Sinal sira esperansa nian

Guia 1: Iha mundu ohin loron ema barak nia moris hasoru tragedia no violencia. Ukun nain sira nasaun nian kria konfliktu barak, mehi ba kilat atu halo distrusaun no mate. Ema barak tauk hateke ba futuro,lakon garan-sia ba serbisu, numero demografi sai menos, hemu aimoruk barak banhira hetan problema, sentidu maternida-de no paternidade sai menos.

Foin sa'e sira barak lakon sira nia mehi, lakon studio, lakon mehi, la iha serbisu, sai baruk ho moris. Hemu droga, tama iha perigu oin oin.

Guia 2: Tinan Jubileu, mak tempo atu kreda hetan okaziaun hodi fo konsolasaun ba ema hotu, hodi hafoun sira nia paisaun atu tau matan ba labarik no foinsae sira, ba estudante sira, ba noivados, ba jerasuan foun, hak-besik ba foin sa'e sira ho ksolok no espransa.

Hotu-hotu: Hodi padre ...

Angelous:....

Guia: Maromak, hi'it-an mai tulun ami

Hotu: Na'i sadia ami no soi ami

Guia: Gloria ba Padre ba Filho no ba Espiritu Santu

Hotu: Nudar hori uluk ...

Hino: DON BOSCO, AMI AMAN

1. Iha mundu oras ne'e susar barak duni.
Dala ruma ita tauk, tamba sa? La hatene!
La bele lakon esperansa tamba Na'i haraik mai ita
belun ida be fo tulun, hodi la'o hamutuk ita!

***Don Bosco, ami aman, belun foinsa'e sira nian,
tau matan (ba) ita oan sira; lori ami ba lalehan!***

***Don Bosco ami aman, modelo ami nian,
dada ita oan sira habelun ho Na'i!***

2. Se ita hetan susar no ita lakon fiar,
lalika tauk ona, Iha ida hein ba ita.
Nia ita belun los, it'nia aman doben mos,
ida be hanorin ita atu la'o iha dalan los.

FILIP 2,6-11

Reza fahe ba grupo rua

Maski nia Maromak lo-los,
Nia la hanoin nia an nudar Maromak,
maibe nia haraik an, hodi sai atan ida
no halo an nudar ema;
ema sira hare duni Nia nudar ema.

Nia haraik An hodi halo tuir to'o mate, mate iha krus.
Tan ne'e, Maromak foti Nia
hodi fo ba Nia naran ida
nebe boot liu naran sira hotu,

Atu nune'e, ba Jesus nia naran,
aintur sira hotu hakne'ak,
iha lalehan, iha rai, iha mate sira leet,
no nanal tomak haklaken katak
Kristu Jesus mak Na'i,
ba Aman Maromak nia gloria. Gloria...

Esperensia Moris nian....

Ha'u-nia naran Halin Jeon, no ha'u hela iha Seoul, Korea Sul. Ha'u orgullu ho ha'u-nia nasaun, ho ninia patri-
móniu kulturál ne'ebé riku no kresimentu ekonómiku ne'ebé kredibel iha dekada hirak ikus ne'e nia laran.

Maibé, iha mos parte nakukun nian ne'ebé ami ladun ko'alia, no ida-ne'e mak buat nebe fo todan tebes ba hau
nia laran. Iha Korea Sul iha número oho-an ne'ebé aas liu entre nasaun OECD sira. Iha tinan 2023 de'it, maizu-
menus ema na'in 13,900 mate tanba oho an. Ida-ne'e maizumenus ema na'in 38 kada loron, no ema barak koko
liu tan.

Entre ami nia foin-sa'e sira, ne'ebé oho-an bele sura liu 40% husi sira hotu ne'ebé mate iha grupu ho idade 10
to'o 19, no estudante ho idade eskola sekundária sira, mak ho numeru aas liu - 50%. Oho an nu'udar kauza
boot ba foin sa'e sira iha Korea Sul.

Ne'e mak krize ida-ne'ebé afeta ami hotu. Saida mak hamosu lakon trajiku sira-ne'e?
Fatór prinsipál rua ne'ebé ha'u fiar mak izolasaun no presaun sosiál.

Kuaze 36% hosi uma-kain hotu iha Korea kompostu husi ema ida de'it, no númeru ne'e hein katak sei sa'e ba 40% iha tinan 5 oin mai. Ami mós iha liafuan ida "godoksa," ne'ebé signifika "mate mesak de'it", iha ne'ebé ema mate mesak, la iha ema ida mak haree, dala barak hetan fali ba tempu naruk depois mate. Teknolojia halo fasil liu ona atu moris izoladu, no hafoin Covid, sente mesmesak sai ona epidemia ida.

Iha tempu hanesan, sosiedade Koreia Sul ne'ebé kompetitivu teb-tebes fó presaun boot ba excel akadémiku no profisionál, no mós atu kumpre padraun sosiál nian. Husi idade kiik kedas, ami hetan informasaun katak ami-nia valór define ho medida external ba susesu. Presaun ida-ne'e dudu ema barak ba brink.

Maski ha'u nunka hanoin kona-ba oho an, maibé ha'u sente depresaun boot no laran-susar tebes. Iha sosiedade ida-ne'ebé monu nafatin ba komparaun, ha'u sente hanesan ha'u hamriik metin hela iha dalan ida ne'ebe la iha rohan, no la iha fatin atu lakon. Ha'u husu ha'u-nia an no ha'u sente iha ha'u-nia laran-kompletamente izoladu. Maibé iha tempu nakukun ne'e, ha'u hetan esperansa. Saida mak halo diferensia mak la tama ba eskola di'ak ida, sai isin tun, ka susesu ruma, ne'e mak comunidade domin nain nian ida. Irmaun relijiozu sira, irmán sira, no membru seluk iha comunidade hatudu mai ha'u katak iha esperansa, maski hanesan buat hotu ne'e lakon. Sira rona, apoia, no hadomi ha'u la ho jùdika. Ne'e mak fatin ne'ebé ha'u la presiza kompara ha'u-nia an ho ema ida. Sira fó-hanoin mai ha'u katak Maromak hadomi hau nu'udar ha'u-nia an.

Ne'e mak kbiit comunidade nian. Liuhusi sira, ha'u deskobre xave ba kura nian. Nu'udar sarani, ita simu bolun atu moris hamutuk iha dame, la'o hamutuk, laran-metin ba malu no suporta malu. Ita la iha tendensia atu la'o mesak de'it iha viajen ne'e. Ha'u troka husi ema ne'ebe simu deit domin hodi sai fali protagonista ativa ida aprende atu fo esperansa nu'udar ha'u simu ona.

Entaun, oinsá mak ita bele tulun foin-sa'e sira ohin lora? Ha'u fiar katak resposta mak iha relasaun ne'ebé diak no comunidade sira ne'ebé hadomi malu. Família Salesiana sira mós bele tulun foin sa'e sira, hodi fó fatin ne'ebé seguru ba sira husi vulneravel, hetan apoiu, no esperensia Maromak nia domin. Salesiana sira la'ós de'it fó matadalan ba sira, maibé sira fahe sira-nia moris ho foin sa'e sira, hanorin sira valor ne'ebe los kona ba hola parte iha Kristu.

Liután ne'e, ita labele haluha importánsia husi tratamentu médiku. Maski fiar no comunidade importante liu, maibé buka kuidadu médiku mós importante. Nu'udar doutór no peskizador médiku, ha'u enkoraja maka'as ema ne'ebé hasoru problema saúde mentál atu konsulta ho médiku profisionál ida. Hanesan mos o ba hasoru doutór ba moras fiziku, ita mós tenke halo tratamentu saúde mentál ho nivel kuidadu no atensaun ne'ebé hanesan. Se tratamentu ida la funsiona, kontinua buka-hatene saida mak bele halo. Buka tulun la'ós sinál ema fraku nian, maibé ne'e actu aten-barani.

Ha'u hakarak fó-hanoin imi katak kestaun ne'e la'ós úniku ba Korea Sul - ne'e krize globál ida. Lora-lora, ema hotu iha mundu tomak lakon sira-nia moris tanba oho an. Maizumenu minutos lima ha'u hahú diskursu ne'e, no durante minutos lima ikus ne'e estatística hateten katak ema na'in 7 komete ona oho-an iha mundu tomak. Agora mak tempu ba asaun. Mai ita la'o hamutuk iha tinan jubileu ida ne'e, nu'udar peregrinu ba esperansa, ba futur ida ne'ebe nakonu ho fiar. Ita presiza suporta malu, nudar salesiana sira halao ba tinan barak ona, no fahe ksolok Kristu moris-hias nian. Hamutuk, ita bele troka mundu ne'e ne'ebe oras presiza tebes. Obrigadu.

EAO 2025

Leitor: Don Bosco dehan ba nia an: "Agora ha'u sai amu lulik ona, saida mak ha'u sei halo?"

Proposta servisu saida deit mak ha'u sei simu?

Ha'u sente no iha hakarak boot atu tulun no tau matan ba foin sa'e sira, maibe atu realize oin sa los?

Wainhira iha ona foin sa'e sira nia le'et dala ruma nia dehan ba sira" se imi hakarak sai ha'u-nia belun no halo ha'u haksolok mak imi keta temi leet Na'i Maromak no Jezús Kristu Nia naran, hanesan ne'e mak ema hotu halo."

Komentariu ba Magnifikat:

Guia: Don Bosco dehan: buat ne'ebe ita tenke halo iha Festa Maria Ausiliadora nian mak hamoos fila fali ita-nia fuan sira, halo konfisaun didi'ak no oferese hotu, maibé halo sira metin iha Maria Santissima, tanba sira sai besik liután ba Jezús, no buat ne'ebé simu beibeik ho laran- manas mak santa komunaun.

Canta:

***Ha'u nia klamar haksolok Maromak,
ha'u Maksoin. Aleluia!***

- Ha'u klamar hahi nia Na'i,
Ha'u neon haksolok ba Maromak, ha'u Maksoin.
2. Na'i hare ba ha'u atan fetu haraik an
hahu ba ne'e otas tomak sei fo rahun diak mai ha'u.
Na'i bele hotu halo buat boot iha ha'u, Nia naran
santu.
 4. Nia laran luak hosi otas ba otas
ba ema hamtauk Nia.
 5. Nia hatudu nia kbiit
hodi halo namkari ema loko an.
 6. Nia hatun na'i-ulun sira hosi sira tur fatin
hodi hana'i fali atan sira.
 7. Nia haraik rikuso ba mukit sira
duni sai ema riku ho liman mamuk
 8. Nia lidu nia atan Israel
hodi hanoin nia ho laran luak.
 9. Nia hanoin lia hakotu ba bei ala sira
ba Abraão no nia oan sira ba nafatin.
 10. Gloria ba Padre, ba Filho no ba Espiritu
Santu nudar hori uluk, oras ne'e, nafatin.
Amen.

Mai ita hahi Cristo be haraik forsa no kbiit ba nia povu, no mai ita hamulak harohan ho fuan mos:

__ Rona ami, O Nai, no ami sei hahi ita ba nafatin.

Cristo, ami nia kbiit, ita bolu sira be fiel ba ita nia lia los;

__ Ho laran sadia haraik ba sira fidelidade no perseveransa.

Halos ami nia ukun nain sira tuir ita boot nia hakarak;

__ No tulun sira atu hatur ami iha paz nia laran.

Ita boot fo han ba ema lubun boot be hamlaha;

__ Hanorin ami atu fahe buat be ami iha ba ema nebe presisa.

Keta halo ukun nain sira mundu nian atu fo deit atensaun ba sira nia nasaun ninia presisa;

__ Maibe liu fali ida ne'e, haraik ba sira respeitu no fo atensaun diak liu ba povu hotu-hotu.

Haraik moris foun no resureisaun ba ami nia maun alin sira be mate ona;

__ Atu sira be fiar iha ita boot hola parte iha ita nia gloria.

Reza: Ami Aman...

Orasaun ba S. Joaun Bosco

Hotu-hotu: S. Joaun Bosco Aman no mestre foin-sa'e sira nian. Hamamar an ba don Espiritu no loka ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia vokasaun ne'ebé ami simu husi Maromak. Nune'e iha moris lor-loron ami bele harii komuñau no kolabora ho entusiazmu, no komuñau ho Kreda tomak hodi kria siviliza-saun domin nian . Haraik grasa perseveransa nian mai ami atu ami bele moris tuir loloos ami nia moris nu'udar sarani. Tuir espiritu rahun di'ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot lalehan nian. Amen

Bensaun Final...

Kantu final

Loron Dalima— Ita sei la'o tuir dalan ne'ebe metin iha esperansa sarani nian.

Guai: Esperansa Sarani La Halo Ita Neon Kraik, La Lohi, Basá Nia Bazea Iha Serteza Katak La Iha Buat Ida Ne'ebé Bele Haketak Ita Hosi Maromak Nia Domin. Apóstolu Paulo Fó Hanoin Serteza Ne'e (*Rom 8: 35,37*).

Iha Nakukun Nia Leet Ita Haree Naroman No Hetan Kbiit Ne'ebé Mai Hosi Na'i Rasik No Hosi Nia Moris Hi'as.

Hotu-hotu: Hodi padre ...

Angelous:....

Guia: Maromak, hi'it-an mai tulun ami

Hotu: Na'i sadia ami no soi ami

Guia: Gloria ba Padre ba Filho no ba Espiritu Santu

Hotu: Nudar hori uluk ...

SALMO

Ap 19,1-2.5-7

Ant. Nai ita nia Maromak mak boot liu, kmook liu Maromak sira seluk.

Ne'e hotu tiha, ha'u rona lia ida
hanesan housi ema lubun boot iha lalehan;
sira hananu maka'as, "Aleluia,
maksoin, gloria no ukun ba ita nia Maromak!

Nia los no diak wainhira Nia tesi lia;
Nia tesi lia hasouru fetu aat boot
nebe halo aat raiklaran ho nia sala foer;
Nia halo ona vingansa kona ba atan sira
nebe fetu aat ne'e oho tiha."

Hafoin housi kadunan, lia ida hakilar dehan:
"Hahi ba ita nia Maromak, imi Na'i nia atan sira,
no sira hotu, boot eh kiik nebe hamtauk Nia."
Ha'u rona lia housi ema lubun boot
hanesan tasi boot nia tarutu
eh rai tarutu nian, hodi hatan, "Aleluia!

Na'i, ita nia Maromak kbiit wa'in ukun dau-daun.
Ita haksolok ba no laran kmaan hodi fo gloria ba Maromak,
basa ohin mak Bibi Oan nia festa kasamentu nian. Gloria...
Ant. Nai ita nia Maromak mak boot liu, kmook liu Maromak sira seluk.

Reflesaun

Guia1: Santo padre nia liafuan: "ema hotu hatene esperansa katak sá. Iha ema idaidak nia fuan, **esperansa** horik nu'udar **hakarak (desejo) no aspetativa ba buat di'ak sira atu mosu mai, maski ita la hatene futuro sei lori saida mai**. Maski nune'e, dala ruma *inserteza* kona-ba futuro bele hamosu sentimentu ne'ebé kontra malu, hosi konfiansa metin to'o *laran taridu*, hosi laran hakmatek to'o *ansiedade*, hosi konviksaun metin to'o *laran namlele no dúvida*. Dala barak ita hasoru ema ne'ebé *desanima* ona, *pesimista no síniku* kona-ba futuro, hanesan la iha tan buat ida ne'ebé bele lori ksolok ba sira."

Guia 2: Odamatan santu fó hanoin mai ita Jezús nia liafuan: Ha'u mak odamatan. Ida nebe liu hosi ha'u sei hetan maksoin; nia sei tama no sai hodi hetan du'ut matak. (Jo. 10:9) Tama iha odamatan santu ne'e katak ita hakarak tuir Jezús nu'udar ita nia bibi atan di'ak. Tama iha odamatan katak ba hasoru iha komuñaun ho Maromak no ita-nia maun alin no feton sira nu'udar Maromak nia família.

Bele sei mos sinal Kreda nebe nakloke ba ema hotu, liuliu sira nebe sente an dook hosi Maromak.

Guia 3: **Jubileu ida ne'e, sei sai oportunidade kmanek liu ba ema hotu atu hafoun esperansa.** Jubileu nia privilegio laos ba ema balun deit maibe ba ema hotu. Ne'e oportunidade importante atu konkreteza ba forma sinodal.

Sinodalidade denota **estilo particular** ida nebe qualifica Igreja nia moris no missão, expressa ninia natureza nudar **Povo Maromak nian** nebé **la'o hamutuk no halibur hamutuk iha Assembleia**, tan Na'i Jesus husi força Espirito Santo nian atu hodi haklaken Liafoun (Evangelho) Sinodalidade mak "**modus vivendi**" – estilo moris nian no "**modus operandi**" (estilo ou lala'ok hala'o knaar nian).

Guia 4: Iha Strenna, eis reitor Mor Cardinal Don Anjel dehan "Iha Tinan Jubileu ida ne'e, nu'udar família Salesiana, ita hakarak no ita tenke hamutuk ho foin sa'e sira, atu nune'e ho sira ita bele fô sasin ne'ebé di'ak liu tan no sasin fiar nian ne'ebe atraktivu, karik ho ita nia fiar kiik sira atu nune'e "ita ida-idak bele hatudu oinmidar, hahalok amizade nian ida, hateken midar nian ida, tilun ne'ebé prontu atu rona, hahalok-di'ak, hodi hatene katak, iha Jesus nia espíritu, ida-ne'e bele sai, ba sira ne'ebé simu ne'e, fini sira ne'ebé riku ho esperansa."

Komentariu ba Magnifikat:

Don Bosco dehan: Ha'u husu imi ida-ida harohan ba Maria Santissima. Inan doben ida ne'e tulun ita lais liu iha buat hotu ne'ebe ita presiza ho nia grasa liuhusi espirtual no material. Nia iha lalehan, nia iha kbiit maka'as no grasa sa de'it mak o husu ba Nia Oan nia fo lalais.

Canta:

**Ha'u nia klamar haksolok Maromak,
ha'u Maksoin. Aleluia!**

1. Ha'u klamar hahi nia Na'i,
Ha'u neon haksolok ba Maromak, ha'u Maksoin.
2. Na'i hare ba ha'u atan feto haraik an
hahu ba ne'e otas tomak sei fo rahun diak mai ha'u.
Na'i bele hotu halo buat boot iha ha'u, Nia naran santu.
4. Nia laran luak hosi otas ba otas ba ema hamtauk Nia.
5. Nia hatudu nia kbiit hodi halo namkari ema loko an.
6. Nia hatun na'i-ulun sira hosi sira tur fatin
hodi hana'i fali atan sira.
7. Nia haraik rikuso ba mokit sira
duni sai ema riku ho liman mamuk
8. Nia lidu nia atan Israel
hodi hanoin nia ho laran luak.
9. Nia hanoin lia hakotu ba bei ala sira
ba Abraão no nia oan sira ba nafatin.
10. Gloria ba Padre, ba Filho no ba Espiritu
Santu nudar hori uluk, oras ne'e, nafatin.
Amen.

Hotu-hotu hatan: Harohan mai ami

Guia: S. João Bosco, nai lulik nebe buka deit klamar sira nia salvasaun

Guai: S. João Bosco, Foin sa'e santu sira nia edukador

Guia: S. João Bosco, povu no foin sa'e sira nia belun

Guia: S. João Bosco, Ema ida nebe tau nia laran metin ba Maromak nia providensia.

Reza: Ami Aman...

Orasaun ba S. Joaun Bosco

Hotu-hotu: S. Joaun Bosco Aman no mestre foin-sa'e sira nian. Hamamar an ba don Espiritu no loka ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia vokasaun ne'ebé ami simu husi Maromak. Nune'e iha moris lor-loron ami bele harii komuñau no kolabora ho entusiazmu, no komuñau ho Kreda tomak hodi kria siviliza-saun domin nian . Haraik grasa perseveransa nian mai ami atu ami bele moris tuir loloos ami nia moris nu'udar sarani. Tuir espirtu rahun di'ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot lalehan nian. Amen

Bensaun Final...

Kantu final

Loron Danen— Foinsa'e sira ne'ebé mehi ho esperansa auténtika

Guia: Ko'alia kona-ba Don Bosco nia moris, ko'alia mós kona-ba nia mehi sira.

Foinsa'e sira moris no esperiênsia, sira sei deskobre katak sira-nia ASPIRASAUN furak mak **FORSA ne'ebé sei dudu sira atu iha kapasidade halo buat boot** no sira sei aprende katak **desafiu idaidak bele manán ho aten barani no konfiansa iha sira an.**

Hotu-hotu: Hodi padre ...

Angelous:

Guia: Maromak, hi'it-an mai tulun ami

Hotu: Na'i sadia ami no soi ami

Guia: Gloria ba Padre ba Filho no ba Espiritu Santu

Hotu: Nudar hori uluk

HINO

*Salve, Dom Bosco santo, jovens de coração;
Salva, Dom Bosco amigo, ouve nossa canção.*

1. Juventude que caminha
sem saber onde vai;
juventude esta perdida,
sem fé, sem paz, sem luz e amor!
Don Bosco, ouve a nossa voz.
2. Se soubesses quantes vezes
nos tentaram vencer;
se soubesse quanto custa
o ver crueldade, rancor, paixão!
Dom Bosco, vem-nos ajudar.

Salmo—EF 1,3-10

Ant. Ita nia tulun iha Nai nia naran, ida be halo lalehan no rai.

Rahun diak ba Maromak,
Na'i Jesus Kristu nia Aman.
Housi lalehan tutun, hodi Kristu,
Maromak haraik bensa oi-oin mai ita.

Molok atu hakiak mundu,
Maromak fihir kedas ita
Atu moris nudar ema santu,
Nudar ema sala laek
No moris iha domin iha Nia futar oin.

Tuir nia laran luak,
Nia fihir ona ita houri uluk kedas
Atu moris nudar nia oan hakiak hodi Kristu;
Ba gloria nia grasa nian,
Nebe Nia fakar mai ita iha nia Oan doben.

Iha Kristu, ho nia ran,
Ita hetan maksoin no perdua ba ita nia sala.
Ne'e mak rikusoí grasa nian nebe Nia haraik mai ita
Iha nia matenek no laran hatene.

Nia fo hatene mai ita Nia hakarak nia misteriu,
Nebe subar hela, nebe Nia halo iha Kristu
Houri uluk kedas,
Atu Nia sei halo tuir lo-los
Wainhira tempu to'o ona nia rohan,
Katak, atu halibur no tau iha Kristu nia liman
Atu ukun buat hotu iha lalehan no iha rai,
Ho Kristu nudar sira hotu nia ulun

Ant. Ita nia tulun iha Nai nia naran, ida be halo lalehan no rai.

Reflesaun

Guia 1: Foinsa'e sira iha mehi boot, maibé **tenke enkoraja sira atu mehi!** No ita edukadór sira iha knaar ida ne'e: **akompañia sira iha dalan auténtiku moris nian.**

Foinsa'e sira iha dereitu atu mehi ba aban bainrua ne'e di'ak liu; iha sira-nia mak possibilidade atu moris fali no hahú fali nafatin, estuda no serbisu, harii futuru riku ho humanidade no esperansa.

Guia 2: Foinsa'e sira mak aban bain rua nia protagonista sira, sira ne'ebé sei forma mundu ho sira-nia liman nurak. Sira mak humanidade nia oin ne'ebé la'o ba oin no **hakarak halo di'ak liu tan.** Humanidade ne'ebé funu, kiak no terus hakanek ona, humanidade ne'ebé iha oin karidade no domin nian. Humanidade ne'ebé iha kapasidade atu hamriik fali no iha esperansa, hamriik hosi rai no hahú la'o fali. Humanidade ne'ebé iha kapasidade atu simu no fó, hodi la para hamnasa no hadomi.

Guia 1: Liu hosi história foinsa'e sira ne'e no sira-nia hakarak, ita bele deskobre oinsá ita **bele manán limitasaun sira, enfrenta problema boboot sira no oinsá ita la bele husik ita lakon maibé buka rekursu pesoál, no rekursu hosi kontestu sosiál oioin**, atu enfrenta desafio naran deit.

Guia 2: Foin sa'e ida naran Amar Gazel Hernández, 18, hosi San José, Costa Rica. Nia hakarak sai **bailarino**, maibé mudansa situasaun moris nian, mehi ne'e atu lakon, mehi sei iha ne'ebá maibe atensaun ne'ebé ha'u fó la hanesan ona basá realidade sosiedade nian husu demais hosi ita, no iha okasiaun barak mehi sira ne'e sai fali frustrasaun deit, basá aspetativa aas liu, stress maka'as no esijénsia nivel aas
Ohin mehi katak **hetan ksolok iha buat kikiik sira**, atinje objetivu sira maski kiik liu; ha'u-nia mehi mak atu atinji ha'u nia objetivu sira nune'e ha'u bele fó ksolok ba sira ne'ebé haleu ha'u.

Guia 3: Hosi Costa Marfil, **Anani Henry Joël Kouadio** ho tinan 18. Fahe ninia esperensia nune'e:
"Ha'u nia mehi mak atu **sai médiku atu salva ema nia moris**. Haree ema moras, ne'ebé la iha meiu atu trata sira-nia an no mate tan médiku la iha, ha'u husu nu'udar ema sarani ida: 'Tansá la sai instrumentu liu hosi ne'ebé Maromak fó isin di'ak no salva ema nia moris?' Ha'u hakarak sai neurólogo, espesialista iha neurolojia. Ha'u nia hakarak boot liu mak atu **realiza ha'u nia mehi tuir Maromak nia hakarak**, no Don Bosco nia esemplu motiva ha'u."

Komentariu ba Magnifikat:

Don Bosco dehan: Atu sai doben ba Maria Ausiliadora, presiza adora nia Oan, no nia sei hatudu ba imi dala sira atu halo. Atu sai Maria nia oan sira tenke ba beibeik Sakramentu sira, simu beibeik sakramentu komunaun, ba Misa, Vizita Jezús iha Sakramentu: simu bensaun, halo karidade hodi fo onra ba Jezús Kristu, tanba Na'I hakarak atu ita pratika karidade.

Canta Magnificat; (bele mos Video)

INTERSESAUN:

Cristo hakarak atu lori ema hotu ba salvasaun. Mai ita harohan ba nia ho ita nia laran tomak;

___ Hakbesik buat hotu ba ita, nai.

Liu hosi ita nia ran folin boot nai, ita hasai ami hosi sala nia ukun;

___ Haraik mai ami liberdade maromak oan sira nian.

Haraik ita nia grasa ba ami nia bispo N.....no no ba bispo hotu-hotu;

___ Atu sira halao ita nia sakramentu sira ho ksolok boot.

Haraik atu sira hotu be buka lia los bele hetan nia;

___ No atu hetan lia los ne'e, sira bele hakarak liu tan hodi buka nafatin.

Hatudu ita nia prezensa atu konsola faluk sira, oan kiak sira, no sira hotu be abandona, nai;

___ Atu sira besik liu tan ba ita no laran metin iha ita.

Simu ami nia maun alin matebian sira iha ita reinu lalehan;

___ Hamutuk ho Aman no Espirito santo, ita mak sei sai buat hotu nia nain.

HAROHAN

Maromak ami Aman,

iha lorokraik ami ba hakbesik ita, nudar naroman nebe sei la lakon. Lakan iha kalan nakukun, no haraik perdua ba ami nia salan no hahalok aat sira. Ami harohan ne'e hodi ami Nai Jesus Cristo ita oan nebe moris no ho ita hamutuk ho espirito santo Maromak ida deit tinan ba tinan nafatin.

Reza: Ami Aman...

Orasaun ba S. Joaun Bosco

Hotu-hotu: S. Joaun Bosco Aman no mestre foin-sa'e sira nian. Hamamar an ba don Espirito no loke ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia voka-saun ne'ebé ami simu husi Maromak. Nune'e iha moris lorloron ami bele harri komuñau no kolabora ho entusiasmo, no komuñau ho Kreda tomak hodi kria sivilizasaun domin nian . Haraik grasa perseveransa nian mai ami atu ami bele moris tuir loloos ami nia moris nu'udar sarani. Tuir espiritu rahun di'ak sira nian; no hodi Maria Ausiliadora nia gia iha loraun ida ami sei hela hamutuk ho ó iha familia boot lalehan nian. Amen

Bensaun Final...

Kantu final

Loron Dahitu— Misionáriu sira iha mundu. Misionáriu moris nian

Guia: Agradese ba laran badinas missionaria sira dahuluk nian, hodi forma aihoris boot Família Saleziana nian, Don Bosco, nia Família, ne'ebe buras to'o ohin loron.

Hotu-hotu: Hodi padre ...
Angelous:
Guia: Maromak, hi'it-an mai tulun ami
Hotu: Na'i sadia ami no soi ami
Guia: Gloria ba Padre ba Filho no ba Espiritu Santu
Hotu: Nudar hori uluk ...

Hino:

1. São João Bosco, amlulik doben,
 ami Mestre, ami Aman.
 Ba ita boot ami hananu
 nudar oan be hadomi.
 Tamba ita hatudu (mai) ami
 dalan roman ba Maromak,
 ami moris sei nabilan
 ho Maromak nia grasa.

Don Bosco, mai fali iha ami leet.

Hatudu mai ami Jesus nia oin. (2x)

2. Klosan sira sai santu hotu
 'ha Jesus nia kadunan.
 Sai Maria nia doben sira;
 Santu Padre nia emar.
 Ba Maromak nia Kreda
 ami hotu sasin tebes,
 hodi dehan sai nafatin:
 fo mai klamar, ne'e to'o
 ona.

Ant. 1. Nai, haleu nia povu ho ninia kbiit.

SALMO 125

Sira be tau laran metin iha Nai
 mak hanesan foho Siaun nebe la nakdoko
 nebe hamrik metin ba nafatin.

Jerusalem, foho sira haleu nia
 Nune'e mos Nai haleu nia povu
 Ohin no ba nafatin.

Basa ema aat sira nia rota lulik sei la hakmatek
 Iha ema justu sira nia rain
 Atu hatauk ema justu sira liman
 Tenki nakfila ba aat.

Halo diak Nai, ba ema sira be halo diak
 Ba ema laran mos sira;
 maibe ema aat no sira be halo aat
 duni sai tiha sira!
 Ba Israel, dame!

Ant. Nai, haleu nia povu ho ninia kbiit.

Guia: Sasin moris missionario Padre Andrej Majcen Maromak nia atan (1904-1999)

1904 - nia moris iha Maribor (Slovenia)
 1925 – iha novisiadu, ba formasaun inisiál
 1933 ordena ba Amlulik, haruka ba rai-Xina (Kunming) iha tinan 1951, Macao nudar misionario
 1952 - haruka ba Vietnam Norte (Hanoi - hahu serbisu ida), fila fali ba Hongkong iha 1954
 1956 - haruka ba Vietnam Sul (Saigon) to'o 1976
 1976 - haruka ba Tainan (Taiwan) to'o 1979 fila fali ba Ljubljana, Slovenia
 1999 - mate iha Ljubljana

Dala barak nia dehan: "Hau agradese Maromak tanba Nia bolu ha'u no enkoraja ha'u atu tuir no halo tuir Nia hakarak. Maromak bolu ita atu tuir dalan ne'ebe naruk no importante tebes! "

CHINA: Bispu Versiglia nia martirio no padre Caravario (1930) fô-hanoin hikas fali ba nia kona-ba misaun. Nia Moto mak: "Hau sei haklaken Evanjellu ba ema Xina ho sira nia lingua, no ha'u sei sai ema Chinese ida hanesan sira."

Nia hadomi sira nu'udar feton ho naan no aprende lalais língua husi sira ne'ebé nia serbisu hamutuk.

Nia hadomi ema hotu, maibé liuliu foin sa'e sira ne'ebé kiak no abandonado.

Sira hotu esperensia nia presensa nu'udar aman no belun diak ida.

Komentariu ba Magnifkat:

Don Bosco dehan: Ha'u husu imi ida-ida harohan ba Maria Santissima. Inan doben ida ne'e tulun ita lais liu iha buat hotu ne'ebe ita presiza iha grasa espiritual no material. Nia iha lalehan, nia iha kbiit maka'as no grasa sa de'it mak o husu ba Nia Oan nia fo lalais.

Canta: Magnifikat...ou Video

(Ba intensaun sira tuir mai ne'e, Kada strofa hotu- hotu kanta ho refrain)

**Reff: Graças Te damos, Senhor, de todo o coração ,
graças te damos senhor cantando Teu louvor**

Guia 1: Ita Rekoñese hodi fô agradese ba Maromak ba presente vokasaun misionária ne'ebé ohin fô possibilidade ba Don Bosco nia oan sira no nia família atu to'o ba foinsa'e ki'ak no abandonadu sira iha nasaun 136. Reff....

Guia 2: Hanoin fali no agradese ba missionario dahuluk sira mak oportunidade atu hanoin fali no desenvolve visaun foun misaun Saleziana sira iha desafio no perspectiva foun sira nia naroman ne'ebé lori ba reflesaun misiolójika foun. Reff....

Guia 3: Ita Re-lansa: basá ita la iha deit história kmanek atu hanoin hetan no fô agradese maibé mós história boot liu tan atu halo no hakerek! Ita hateke ba futuro ho laran badinas misionáriu no entusiasmu foun atu to'o liu tan ba foinsa'e ne'ebé ki'ak no abandonadu, atu sira bele moris ho esperansa no ho sentidu moris ne'ebé loos, moris iha Maromak. Reff....

Guia 1: Rekoñese, hanoin fali no re-lansa: liafuan tolu ne'ebé hamoris fali no fô nutrimentu ba esperansa, hodi dudu ita ba fronteira misionária foun Kongregasaun no Família Saleziana nian, liuliu atu ba hasoru foinsa'e sira ne'ebé ki'ak no marjinalizadu liu. Reff...

Ami Aman...

Orasaun ba S. Joaun Bosco

Hotu-hotu: S. Joaun Bosco Aman no mestre foin-sa'e sira nian. Hamamar an ba don Espiritu no loka ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia vokasaun ne'ebé ami simu husi Maromak. Nune'e iha moris lorloron ami bele harii komu-ñaun no kolabora ho entusiasmu, no komuñaun ho Kreda tomak hodi kria sivilizasaun domin nian . Haraik grasa perseveransa nian mai ami atu ami bele moris tuir loloos ami nia moris nu'udar sarani.Tuir espiritu rahun di'ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot lalehan nian. Amen

Bensaun Final...

Kantu final

Loron Dawalu— “Odamatan esperansa” nian nakloken ona ba mundo tomak”

Guia: Odamatan santu ne’e fô hanoin mai ita Jezús nia liafuan: Ha’u mak odamatan. Ida nebe liu hosi ha’u sei hetan maksoin; nia sei tama no sai hodi hetan du’ut matak. (Jo. 10:9)

Hotu-hotu: Hodi padre ...

Angelous:....

Guia: Maromak, hi’it-an mai tulun ami

Hotu: Na’i sadia ami no soi ami

Guia: Gloria ba Padre ba Filho no ba Espiritu Santu

Hotu: Nudar hori uluk ...

HINO

Viva Don Bosco; viva Don Bosco belun.

Viva Don Bosco, foinsa’e sira rai tomak nia belun.

Viva Don Bosco, belun ba Ita oan sira,

Viva Don Bosco belun be moris 'ha ami leet.

1. It'nia liman, ohin ha'u nia liman.
It'nia fuan, It'haraik tiha ona mai ha'u.
Ita hamutuk sei lori ksolok domin nian;
ita hamutuk, ha'u ho Ita, belun boot los.
2. It'nia dalan, ohin dalan ha'u nian.
Ita la'o, Ita la'o hori ohin ba oin hamutuk ha'u.
Iha dalan, iha dalan, belun barak sei hasouru;
ita belun, ita belun, ha'u ho Ita.

(Final) **Be moris iha ami leet** (3x)

Ant. Mai Ita Hahi Nai, Nia haleu nia povu ho Ninia kbiit.

Salmo Col. 1,12-20

Fo agradese nafatin ba Aman

Nebe hadia ita atu simu ita nia parte

Iha liman rohan santu sira nian iha reinu naroman.

Nia hasai ita housi nakukun nia kbiit

No lori ita ba nia Oan doben nia reinu.

Iha Nia mak ita hetan maksoin no perdua ba ita nia sala.

Nia mak ilas Maromak nian nebe matan la hare

Nia mak Oan boot liu sasan hot-hotu nian

Basa iha Nia mak Maromak hakiak buat hot-hotu

Buat nebe matan hare no buat nebe matan la hare

Liurai nia kadunan, ukun Na'in, Na'i ulun, kbiit

Buat hotu ne’e mosu housi Nia no tamba Nia.

Nia mak uluk liu sasan hot-hotu,

No buat hotu bele hela deit iha Nia.

Nia mak ulun isin lolon tomak nian,katak Kreda.

Nia mak hun, no Nia mak Ida nebe moris hi’as uluk housi mate,

Atu sai uluk liu iha buat hot-hotu.

Basa Maromak hakarak duni atu halo Nia nakonu lo-los ho diak,

No housi Nia, Maromak hakarak hadame buat hot-hotu ho Nia An;

No housi Nia, tamba ran nebe Nia fakar iha krus,

Maromak hametin dame iha rai nudar iha lalehan. Gloria...

Reflesau

PEREGRINASAUN Iha peregrinasaun oin rua: materiál no espirituál. Iha pasadu, sarani sira la'o ain deit atu ba vizita apóstolu sira nia rate ka fatin santu ruma. Tuir dalan, sira la'o mesamesak ka iha grupu. Dala barak liu, sira husu ema nia laran lu'ak ba sira nia aihan no fatin deskansa iha kalan. To'o tiha fatin santu, sira konfesa no tuir Misa hodi simu Eukaristia.

Ohin, peregrinasaun material ne'e mak ba odamatan santu. Peregrinasaun espirituál mak sira-nia orasaun, peniténsia, hahalok karidade, rekonsiliasaun ho maluk sira no hakbesik an ba sakramentu peniténsia no Eukaristia. Peregrinasaun mak esperiénsia **konversaun nian, transformasaun iha laran hodi orienta an ba Maromak nia** santidade.

Guia 1: Halo peregrinasaun sei esije atu halo esforsu iha okasiaun barak, atu nonok no hili deit buat ne'ebé importante tebes. Ita tenke tau ita-nia an iha atejiamentu disponibilidade nian, hamutuk ho foinsa'e sira. Ita la bele ta'uk "simu risku" bainhira halo enkontru ho Na'i. Nia nunka halo ita neon kraik, liuliu bainhira ita metin ba nia, ankoradu iha nia.

Guia 2: Hateke ba futuro ho esperansa katak iha visaun moris nian ne'ebé nakonu ho entusiasmu atu hatoo pertilla ho ema seluk. Nu'udar sarani ita la bele falta atu fó kontribuisaun ba aliansa sosiál ba esperansa nian.

Guia 3: Iha tinan Jubileu ne'e Maromak bolu ita atu sai sinál esperansa nian ne'ebé konkretu ba ita-nia maun alin no feton sira ne'ebé esperiénsia susar oioin

Guia 1: Tama iha odamatan santu ne'e katak ita hakarak tuir Jezús nu'udar ita nia bibi atan di'ak. Tama iha odamatan katak ba hasoru iha komuñau ho Maromak no ita-nia maun alin no feton sira nu'udar Maromak nia família. Bele sei mos sinal Kreda nebe nakloke ba ema hotu, liuliu sira nebe sente an dook hosi Maromak

Komentariu ba Magnifkat:

Papa João Paul II dehan" Don Bosco venera profundamente, no hadomi ita na'in feto" "**Auxilium Christianorum**". Nia nafatin dehan" Maria mak hari Basilika "**Auxilium Christianorum**" iha **Turin**. Nia konvensidu katak Na'in feto halo milagre boot oi-oin no sai nudar nia inspiradora ba nia dalan spiritual, apostoliku no nu'udar edukadora los iha nia moris.

Intersesaun:

Husi S.Jaun Bosco nia harohan daet ita hasa'e ba Na'i ita-nia intensaun sira atu Na'i domin Na'in haraik ba ita ida-ida laran-manas hodi salva klamar wain. *Hothotu sei hatan*

- *Na'i rona ami-nia hamulak-*

* Ita harohan ba familia saleziana atu sai koxiente liután ba sistema preventivu don Bosco nian katak la'os ho kbiit mak bele manan foin-sa'e sira ba Maromak maibé ho laran di'ak no familiaridade iha relasaun inperpesoál, Ita harohan.....

* Ita harohan ba aman-inan nu'udar edukador/a dahuluk iha oan sira-nia edukasaun atu sira apreende husi S. Joaun Bosco nia sistema edukativa, hodi akompaña no orienta oan sira ba valor umanu no Kristaun nian, Ita harohan.....

* Intensaun libre....

Ami Aman...

Orasaun ba S. Joaun Bosco

Hotu-hotu: S. Joaun Bosco Aman no mestre foin-sa'e sira nian. Hamamar an ba don Espiritu no loka ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia vokasaun ne'ebé ami simu husi Maromak. Nune'e iha moris lor-loron ami bele harii komuñau no kolabora ho entusiazmu, no komuñau ho Kreda tomak hodi kria siviliza-saun domin nian . Haraik grasa perseveransa nian mai ami atu ami bele moris tuir loloos ami nia moris nu'udar sarani. Tuir espirtu rahun di'ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot lalehan nian. Amen

Bensaun Final...

Kantu final

Loron Dasia— KARIDADE, REKONSILIASAUN NO INDULZENSIA Iha tinan jubileu

Guia: Iha tinan jubileu, ita la bele haluha Saun Pedro nia liafuan ne'ebe dehan: "Uluk liu, hadomi malu tebtebes basa domin kasu sala barak." Ema la bele hakribi tebtebes nia sala bainhira nia la iha domin ba Maromak ne'ebé hatudu an iha nia domin ba nia maluk sira.

Hotu-hotu: Hodi padre ...
Angelous :....
Guia: Maromak, hi'it-an mai tulun ami
Hotu: Na'i sadia ami no soi ami
Guia: Gloria ba Padre ba Filho no ba Espiritu Santu
Hotu: Nudar hori uluk ...

Hino: DON BOSCO, AMI AMAN

1. Iha mundu oras ne'e susar barak duni.
 Dala ruma ita tauk, tamba sa? La hatene!
 La bele lakon esperansa tamba Na'i haraik mai ita
 belun ida be fo tulun, hodi la'o hamutuk ita!
***Don Bosco, ami aman, belun foinsa'e sira nian,
 tau matan (ba) ita oan sira; lori ami ba lalehan!
 Don Bosco ami aman, modelo ami nian,
 dada ita oan sira habelun ho Na'!***
2. Se ita hetan susar no ita lakon fiar,
 lalika tauk ona, Iha ida hein ba ita.
 Nia ita belun los, it'nia aman doben mos,
 ida be hanorin ita atu la'o iha dalan los.

Ant. Buat nebe ema hare iha Kristu, halo ema hare mos iha imi. **Philip 2:5**

SALMO Ap 11,17-18;12,10b-12

Ami fo agradese ba Ita Boot,
 Na'i Maromak kbiit Na'in
 Nia nebe ohin no Nia nebe uluk,
 basa Ita Boot hatudu
 Ita Boot nia kbiit maka'as no hahu ita nia ukun.

Nasaun sira laran nakali teb-tebes,
 Maibe Ita Boot rasik laran nakali mosu mai.
 Tempu to'o ona atu tasi lia ba matebian sira
 Fo premiu ba Ita Boot nia atan,
 Profeta no santu sira
 Ba sira hotu nebe, kiik ka boot,
 Tauk Ita Boot nia naran.

Tempu to'o ona atu halo aat sira hotu
 Nebe halo aat raiklaran ne'e."
 Tuir mai, ha'u rona lia ida housi lalehan hakilar,
 "Maksoin, kbiit no reinu Maromak nian
 Kristu nia ukun mai tiha ona,
 Tamba nia funubalun nebe kesar ita nia maun alin
 Kalan loron iha Maromak futar oin lakon tiha.
 Sira manan nia hodi Bibi Oan nia ran

Ho sira nia liafuan sasin nian,
 Basa sira la tauk mate tan hadomi sira nia moris.
 Ne'e duni, lalehan haksolok ba,
 No sira hotu nebe horik iha nia.
 Maibe susar ba imi, rai no tasi;
 Basa diabu tun tiha ba imi ho laran nakali,
 Tamba nia hatene katak
 nia loron sira to'o ona rohan. Gloria....

Reflesau

KARIDADE Jezús rasik, bainhira nia moris hi'as no husu Pedro nia hadomi nia ka lae, dehan fali ba Pedro: "Fo han ha'u nia bibi sira." (Jo. 21: 17) Halo hahalok di'ak ba maluk sira ka serbí sira nu'udar sinál domin hatudu hakribi sala no hakarak atu fila duni ba Maromak.

REKONSILIASAUN Tinan jubileu mak "tempu favoravel ba konversaun" nu'udar Saun Paulo hakerek iha nia surat darua ba sarani sira iha Korinto: "Iha tempu di'ak ida, Ha'u rona imi no iha loron maksoin, ha'u fo tulun ba imi." (2 Kor. 6:2) Ne'e mak xamada atu tau Maromak iha ita-nia moris nia sentru no rekoñese nia primasia: nia mak uluk liu sasán sira hotu. Iha sakramentu rekonsiliasaun nian, ita esperiênsia Maromak nia domin boot mai ita hodi simu nia perdua

Santo Padre Francisco hakerek "Bula Indiksaun" atu proklama tinan jubileu 2025 ne'e. Nia dehan: "Ita tenke kehe ahi esperansa nian ne'ebé Maromak haraik tiha mai ita, no tulun ema hotu hetan kbiit foun no serteza hodi hateke ba futuro ho espíritu nakloke, fuan ne'ebé nakonu ho konfiansa no visaun ne'ebé haree ba dook.

Lema fó hanoin Kreda ne'ebé la'o ba oin iha peregrinasaun ba naroman esperansa nian ne'ebé halo futuro bele atinji. Akontesimentu sira iha rai laran no rai liur parese taka dalan ba futuro di'ak, maibé ho konversaun, perdua malu, la'o hamutuk, laran sadia no partilla, futuro di'ak ne'e bele mosu mai. Esperansa mak naroman ne'ebé leno futuro, la'os ho optimismu ne'ebé la iha realidade. Ho Jezús nia mate no moris hi'as, iha esperansa ba future di'ak. "Povu ne'ebé la'o iha nakukun laran haree tiha naroman boot ida; naroman nabilan ida mosu ba sira ne'ebé horik iha nakukun mate nian." (Is. 9:1) Profeta Isaias dehan. Naroman nabilan ne'e mak Jezús, Maromak nia Oan Mane halo an ba Ema. Nia mak halibur nasaun sira hotu hodi lori sira ba vitória final.

La'o hamutuk ne'e, peregrinasaun ne'e, la'os ema idaidak mesamesak, ho Jezús nu'udar Dalan, Espíritu Santu ne'ebé leno no hakbiit no Aman ne'ebé hein ho domin.

Komentariu ba Magnifikat

Don Bosco ho ninia esperiênsia pesoál katak buat hotu la'o ho susesu iha Kongresaun tanba Maria mak halo buat hotu. Tanba ne'e mak nia dehan: Ida ne'ebé laran-metin iha Maria nia sei la hetan delusaun. Iha Maria ha'u tau ha'u nia laran-metin tomak. Na'in feto nunka husik buat rohan ida moos lae. Ha'u husu imi atu invoka nafatin Maria nia naran, espesialmente ho ezakulatoria ida ne'e: Maria Sarani sira- nia tulun, harohan mai ami. Ne'e mak orasaun laos narauk, maibe bele koko no ne'e efikaz liu. Ita nia konfiansa mak iha Maria Ausiliadora nia tulun.

Canta; Magnifikat...(bele mos husi video...)

Guia: Santo Padre husu ita hotu atu hamoris no haburas esperansa.

(Iha kada strofa hotu-hotu sei hatan: Reff. AMI HAROHAN NA'I MAI LA'O HAMUTUK HO AMI!)

Aman laran luak tulun ami...

Atu ami Serbisu ba futuro ne'ebé nakonu ho labarik no bebé sira nia hamnasa Reff...

Atu ami Sai sinál esperansa ba maluk sira iha susar laran hanesan. Reff

Atu ema iha dadur laran hetan kondisaun dignu, ho programa tulun halo kompromisu respeita ukunfuan ... re-integrasaun, konfiansa iha sira an. Reff...

Atu ami nu'udar kreda esforsa an liu tan hodi hakbesik ba foin sa'e sira ... Fó possibilidade kontinua estudu ... hetan em-pregu ... akompañimentu adolescente, estudante no sira ne'ebe foin kaben ... tan sira mak Kreda no mundu nia ksolok no esperansa. Reff...

Atu migrante, sira ne'ebe serbisu iha rai liur ... buka moris ne'ebé di'ak liu ba an no família Reff...

Atu Na'i tau matan no proteze refujiadu no ema sira ne'ebe ema duni sai hosi sira rai /uma, vítima eviksaun no vendedores sira, ema ne'ebé lakon direitu ka dignidade, ema vulneravel sira ... marjinalizadu ... aleixadu ... deficiente, katuas, ferik sira no ema ki'ak rihun ba rihun. Reff...

Ami Aman...

Orasaun ba S. Joaun Bosco

Hotu-hotu: S. Joaun Bosco Aman no mestre foin-sa'e sira nian. Hamamar an ba don Espiritu no loke ba realidade sira iha ó-nia tempu, Ó-nia moris saran ba foin-sa'e sira, liuliu ba ki'ik no ki'ak sira nu'udar sinál domin Maromak nian. Gia mós ami ne'ebé sei la'o dadaun hodi hari relasaun amizade nian ho Na'i Jezús .Nune'e ami bele deskobre iha Nia no iha Ninia Evanjellu ami-nia valor moris nian no we matan ksolok loos nian. Tulun ami atu hatan ho laran luak ami-nia voka-saun ne'ebé ami simu husi Maromak. Nune'e iha moris lorloron ami bele harii komuñau no kolabora ho entusiasmu, no komuñau ho Kreda tomak hodi kria sivilizasaun domin nian . Haraik grasa perseveransa nian mai ami atu ami bele moris tuir loloos ami nia moris nu'udar sarani. Tuir espíritu rahun di'ak sira nian; no hodi Maria Ausiliadora nia gia iha loron ida ami sei hela hamutuk ho ó iha familia boot lalehan nian. Amen

Bensaun Final...

Kantu final

